

Statârááđi tuhhiittij asâttâs säämi šonġâdâhrâáđist

Uđđâ šonġâdâhlaavâ vuáđuld vuáđudemnáál säämi šonġâdâhrâáđi aalgât kiđđuv tooimâs. Säämi šonġâdâhrâáđi tárguttâssân lii pyehtid̄ sâmmilij tiätuvuáđu já uáinuid šonġâdâhpolitiik valmâštállâm uáassin.

Statârááđi tuhhiittij onne 9. njuhčâmáánu asâttâs säämi šonġâdâhrâáđist. Säämi šonġâdâhrâáđi lii jiečânâs äššitobdeegaan. Ton tárguttâssân lii pyehtid̄ sâmmilij tiätuvuáđu já uáinuid šonġâdâhpolitiik valmâštállâm uáassin.

“Šonġâdâh pakkânem vaaigut eromâš vuovvijn sâmikulttuurân já ärbivuáválâš iäláttâssaíd, moh vuáđuduveh arktâlâš luándun. Tondiet lii velttidmettum, ete sâmmilij algâaalmug mättim puáhtá valduđ nanosávt mielđi šonġâdâhpolitiikân kyeskee miárâdâstohâmân. Säämi šonġâdâhrâáđist láá máhđulâšvuodah meiddei toimâđ aalmugijkoskâsâš oovdâstjotten já sundečáitten šonġâdâhpolitiikân, mii váldá algâaalmug vuoigâdvuodâid huámmášumán”, iätá pirâs- já šonġâdâhminister Maria Ohisalo.

Šonġâdâhrâáđi pyevtit tiätuvuáđu sâmikulttuur já sâmmilij vuoigâdvuodâi uáinust.

Tääl tuhhiittum asâttâssáin tärkkilistojeh šonġâdâhlaavâ asâttâsah säämi šonġâdâhrâáđist: Säämi šonġâdâhrâáđist lii saavâjođettejee, värisaavâjođettejee sehe enâmustáá love eres jesânid. Ucemustáá peeli jesânij ferttejehe leđe säämi ärbivuáválâš tiäđu haldâšeijeeh. Eres šonġâdâhrâáđi jesâneh ovdâsteh pirâstiettuud teikkâ eres kuávdááš tiedâsuorgijd.

Šonġâdâhrâáđi pargon lii eereeb iärrás puovtâdiđ tiätuvuáđu sâmikulttuur já sâmmilij vuoigâdvuodâi uáinust aalmuglâš šonġâdâhpolitiik vaikuttâsâi árvuštállâm já čuávum várás.

Sâmikulttuur eromâš herkki šonġâdâhnubâstusân

Šonġâdâh lieggân arktâlâš kuávluin merhâšitteht jotelubboht ko eres soojijn maailmist. Sâmikulttuur lii eromâš herkki šonġâdâh lieggânmán, tastko ärbivuáválâš sâmikulttuur lii čonnum arktâlâš luándun.

Säämi šonġâdâhrâáđi lii maailmviđosávt áinookiárdâsâš aalmuglâš orgaan, mii váldá huámmášumán algâaalmugij vuoigâdvuodâid.

Šonġâdâhrâáđi asâttem valmâštálloo kiiđâ 2023 ääigi.

Asâttâs säämi šonġâdâhrâáđist (LINKKÂ)

Lasetiäđuh:

Karin Cederlöf
haldâttâsčallee
pirâsministeriö
p. 0295 250 010
karin.cederlof@gov.fi

Minister sahiittâllâmtâttumeh:

Heikki Isotalo

pirâs- já šonjâdâhminister sierânâsišedejee

p. 040 861 7204

heikki.isotalo@gov.fi